

毛詩古音參義

經學八書序

予年友安鄉潘經峯先生所屬意經學卽依大全作經解既讀

頒發諸經自居家授徒及分教球生歷官山左年且七十猶孜孜矻矻口吟手輯以次成周禮撮要禮記釐編周易尊翼春秋尊孟春秋比事春秋應舉輯要毛詩古音叅義尙書可解輯粹總一大函題曰經學八書懿乎淵哉予嘗與共事東閣月餘又聚晤京邸一年見其人無它好獨好書公會無寒暄語語學則娓娓不倦幾忘宦場體不勝衣顧敏事侵晨聽訟迄日暮可五六案無留滯遇命盜巨件奉委審各邑疑獄坐小閣屏胥役多方鈎距七八日定一讞若恭辦繁差從事軍

營查災它郡暨修學築城捕蝗疆理農田水務皆親勞瘁盛
暑隆寒常夜一騎從數健役往反八九十里查事不怯退顧
稍暇卽手舊編一編或稿再四塗改不可識嘗以其本陳四
庫館及各書局于文襄公王文莊公尤亟稱之予聞楚京山
仲輿郝公自吾越宦歸居士室著九經解構思苦甚以指指
牆牆穿孔經峯其繼美競芳者耶經峯補牧昆陽乞假南歸
予尤嘉之序八書卽以爲其行贈時

乾隆庚子仲秋烏程費南英書

毛詩古音叅義首卷

楚安鄉後學潘相學

男承煒校字

始予讀詩經不能叶。妄欲讀本音。後觀連江陳季立第毛詩古音考序。謂以今之音讀古之作。不免乖刺。乃列本証旁証二條。一以古音讀之。又觀李安溪詩所云。宗顧亭林炎武寧人本音。本音者。古音也。顧氏音學五書一音論二詩本音。三易音。四唐韻正。五古音表。陋說多與暗合。但其詩本音以唐韻証古音。如鳩字下注十八尤得字下注二十五

德似仍糾擾不明。近日休寧戴東原震舉正其書十九事。而于古音今韻糾纏之說亦不瑕疵。恭讀

御纂詩義折中盡去通叶

聖主考文羣言衷一。毛詩之宜讀古音幸無悖違。曹學佺謂陳季立古音一編焦澹園以爲得古人之傳而一字數音未
有條理。至寧人則秩然不紊而博學旁通至當歸一。相按
顧氏謂陳氏之書其辨古音非叶極爲精當則讀古音者
宜祖此二書。蓋漢魏以前止可言諸聲齊梁以後乃可言
叶韻。故今止用其古音之讀如所云儀字古本讀俄諸何
久本讀几諸祉之類。于每篇某字下註明何讀不參唐韻
而偶有劄記亦附其後。題曰毛詩古音叅義。

古無平上去入四聲。亦無一東至三十四洽二百六部之韻。陸機文賦始見自魏李登呂靜齊梁周顒沈約隋陸法言始有今韻。約撰四聲一卷。法言撰四聲切韻五卷。唐孫愐撰唐韻五卷。皆久不傳。宋元韻之存者有廣韻集韻禮部韻畧。衢州免解進士毛晃又增修之。平水劉淵又增修之。始盡併同用之韻。爲一百七部。元昭武黃公紹廣其箋註。爲韻會舉要。最後有陰時夫兄弟著韻府羣玉。又刪併上聲之拯部。存一百六部。士大夫沿用數百年。至

昭代頒行佩文韻府。乃爲大成。然以今韻讀古六經及騷元等書。往往齟齬不合。宋吳棫才老作韻補。明楊慎升菴作轉注古音畧。

國初邵長衡子湘集古今韻畧。信用吳楊之說。曰通曰叶。通者如云東冬江相通。支微齊佳灰相通之類是也。叶則音韻俱非。而切響通之。吳氏謂之叶。楊氏謂之轉注。卽叶音。相謂此猶以蕭何律。繩虞夏之民。執史游字。議籀篆之體也。夫齊梁以後之韻。止可爲齊梁以後之法。文人習通叶之學。乃能讀通叶之書。鄉塾童子入學。蒙師教以三字經之後。多教以毛詩。取其句短有韻。便于幼穉。蒙師鮮諳反切。任臆爲叶。輾轉踰躐。字音兩岐。或記其音。多忘其字。長大習慣。到老錯謬。聲義俱差。貽誤不小。恭讀

御纂詩義折中。止載本字。不言通某叶某。息羣說之紛岐。開萬世之矚矚。茲故敬謹遵依鈔示孫曾。令其熟讀本字。不用

通叶。

陳季立云。古無叶音之說。謂本音也。李安溪著詩所。亦用本音。去叶韻。陸德明云。古人韻緩。不煩改字。如野本讀戶。行本讀杭云云。相考全詩野字。凡十二用。皆與羽武等聲相諧。是本讀戶而非叶上與反也。行字三十二用。明字十四用。皆與昌光等聲相諧。行本讀爲杭。明本讀爲盲。証之以元首之明。諧乎良康。易之明行。諧乎當剛。其非叶戶郎反謨郎反者。尤爲有據。又如觥京兄英彭珩盟庚慶亨兵衡等字。皆以諧陽剛行明等聲者爲本音。又如服本讀北。采本讀採。友本讀以。啗本讀皆。華本讀敷。家本讀姑。降本讀紅。邦本讀功。全詩如此。他經亦然。蓋古字甚少。一字常

兼數讀。後人必謂某字本音某。叶音某。強周秦以前帝王。聖賢之所讀。必從齊梁以後所定之四聲。及一百六部之韻。恐地下家奴。不以爲然。故以通叶讀詩經。不如以古音讀詩經。以諸經証詩經。伏讀。

聖製有二云。三代而上。言律呂。言諧聲。言書名。其于音韻。當必審清濁。別唇齒喉舌。有一定之部分。勒之簡策。與律度量衡象魏之法。同爲當世所遵守。而惜其世遠而不傳也。恭
釋

呈言。可以知古聲之不必以今韻叶矣。

六書惟象形指事會意爲製字之法。其諧聲轉注假借。俱因字音而生。戴震亦云。諧聲諧聲者。古無韻字。亦無韻本。假借並出于聲。

取聲之相同卽諧之。如詩之鳩洲求流筐行荒將之類。皆其正諧者也。若書經之喜起熙不分平上。易之精情天人。正民禽窮寵邦傷上。皆無部分。無四聲。祇以其聲之相近而諧之。其次又以其聲之反背而實相近。乃轉此而注之。彼曰轉注。朱子言何之爲假聲之轉也。又如蕭轉而諧周。膠轉而諧瘳。道轉而諧咎。包轉而諧誘。老轉而諧考。歌轉而諧嘉。珈轉而諧佗。枚轉而諧飢。擣轉而諧首。他可類推。所謂意義相受。左右相注者也。許氏說文以考老爲轉注。不知考字下從丂。音巧。老字下從巳。音化。各自成文。非反巳爲丂。楊氏誤以轉注爲叶音。毛氏趙氏又謂一字數義。展轉注釋爲轉注。則又混入假借之用。假借者古時字數

不多一字常有數用如長之假借爲長幼之長治之假借爲治亂之治中之假借爲中的之中又如明本讀盲假借爲分明之明行本讀杭假借爲行走之行通乎諸聲轉注假借益知古詩之不必以今韻讀矣

鄭漁仲不明言字學兼韻學然其六書畧有云五書有窮

諸聲無窮五書尙義諸聲尙聲其子母同聲之目以音

諸聲

金

以隸諸隸

台同

以隸諸燭

莊持切

以訂卿

丁

諸鄧或兼

乎兩聲三聲或合乎三體四體又云諸聲轉注一也役它

爲諸聲役已爲轉注轉注者正其大而轉其小正其正而

轉其偏如羅轉爲羅老轉爲耆啼轉爲啻叨轉爲召眇轉

爲省架轉爲枷裏轉爲裸暑轉爲睹其形轉其聲亦轉又

云假借。有有義之假借。有無義之假借。如中之爲中。上之爲上。下之爲下。分之爲分。少之爲少。亦與詩義之假借相同。

鄭氏又云。諧聲者。或取同聲。或取協聲。或取正音。或取旁音。亦以後世四聲七音論之。然亦可見詩之諧聲非叶韻矣。

三代前無反切等韻。亦無某部韻通某部之說。詩經如萋。飛。嗜。歸。私。衣。其聲自諧。後人刍分四支。五微。八齊。九佳。則謂九佳之嗜。與四支等部通矣。疍。瘖。痛。吁。其聲自諧。後人刍分六魚。七虞。則謂六魚之疍。與七虞通矣。鬼。隤。曷。懷。其聲自諧。後人刍分九佳。十灰。則謂九佳之懷。與十灰通矣。

岡黃觥傷其聲自諧。後人舛分七陽八庚。則謂八庚之觥與七陽通矣。且古無平上去入四聲各叶之說。如昂本與稠。猶之聲相諧。後人以昂爲上聲。則改爲力求切。以叶稠。猶救本與舟游求之聲相諧。後人以救爲去聲。則改爲居尤切。以叶游求。武王之銘救亦與求相諧則不必改叶他皆倣此。後人如宋元詞曲。在齊梁韻學既定之後。而仙苑圓面。涼上廊望。遲寄池醉。宵艸橋曉。安案難斷。疑斯歸衣。塵溫雲人。厨餘書珠壺初之相諧。何曾拘四聲二百六部之韻。况于三百篇而謂懷必叶胡隈反。觥必叶古黃反。爲古韻乎。又如杜韓古詩。正用秦漢樂府以學三百者。後人反執今韻論之。謂某可通某。某不可通某。且又舛爲五部三聲兩界兩合之。

說是與摘古殘書一句一字一點一畫之殊。淺陋恠僻之論。以註解九經。謂爲古義。皆舉已棄之芻狗。而文繡襲之者也。愚則何敢。

三百篇諧聲。皆出天籟。非如後人律絕古風。限以成式。故或一章換數聲。或一句一聲。或第一句與第二句諧。第二句與第四句諧。如兔耳之耳諧乎夫。丁諧乎城。葛覃之兮。萋萋相諧。谷木相諧。谷莫獲綌。數相諧。或句中第三字相諧。如喬木之休。諧乎求。又三章上四句換聲。下四句不換。又如瞻洛以與止。諧。茨與師諧。玼與室諧。又如哲婦之成。與下傾相諧。又有第二句與第六句相諧。第四句與第八句相諧。如上帝居歆。以迄于今。有之收之。奪之脫之之類。

又或卽用四之字爲韻。如食之飲之君之宗之二句。又或上句第三字與下句第四字諧聲。如朱子謂烝然來思之來與下又思之思相諧。又有首二句之聲與下不諧。近人以爲無韻。未詳其義者。如七月流火二句。我出我車四句。賓之初筵二句。樂具入奏二句。瞻彼洛矣二句。命之不易二句。肆戎疾不殄四句。匪棘其欲二句。文王曰咨二句。其在于今一節。无易由言二句。民之未戾等句。維此惠君二句。仲山甫出祖二句。蹶父孔武四句。釐爾圭瓚二句。赫赫業業二句。皆是也。又有末句之聲與上不諧者。如吁嗟麟兮。狂童之狂也。且忘我大德二句。中心好之二句。維彼不順二句。有聲各末句。與許謨定命四句。天子是若二句。職

况斯引皆是也。他不盡舉。至于周頌而叶韻者亦不能叶矣。後世祝冊多全不用韻者。蓋倣諸此。

今之叶韻者。謂本非一韻。而以此叶彼也。吳氏乃于同韻之字。亦用叶法。如已子淡汜以之類。本同四紙。而以淡叶羽已反。以汜叶革里反。以子叶獎里反。翌棘側國。本同十三職。而以國叶于逼反。以側叶莊力反。甥名清生。本同八庚。而以生與甥叶。桑經反。淇思絲騏。本同四支。而以思與絲叶。新齋反。皮儀爲。本同四支。而以叶五歌。又有首句不必叶。而羔羊之皮。必叶蒲何反。誰謂女無家。必叶音谷。誰謂女無牙。必叶乎壙。有第三等句不必叶。而渥赭之赭。必叶陟畧。不爽之爽。必叶師莊。古人三聲並諧。如近世詞曲。

之例。而升彼虛之虛。必叶起呂。靈雨之零人。與下淵千各相諧。而必與人叶。諸如此者。不可勝舉。又如檀干相諧。而必改叶漣。臺萊相諧。而必改叶基。期悵談監相諧。斬字可以不叶。卽叶亦可用三聲相諧之法。而必欲以斬叶側銜。嘉嗟必欲改叶瘥多。主醺必欲改叶斗者。從古聲則不當叶。從今韻則不必叶。何故徒亂人意。迷人目。願與讀毛詩者叅之。

沈陸以來之韻。共二百六部。鄭氏謂有二百七十六部。唐宋人爲科舉詩賦。雖許通韻。而部分不改。至劉淵乃併通用韻爲一百七部。後人又刪併其上聲一部。爲一百六部。考上平聲先有二十八部。後定十五部。下平聲先有二十

九部。後定十五部。上聲先有五十五部。後定二十九部。去聲先有六十部。後定三十部。入聲先有三十四部。後定十七部。其標東冬一百六字爲部首。而附各同韻之故。前人亦未嘗言。但既可多可少。可獨用。可同用。如上平之原標。鐘脂之模。皆哈諄臻欣魂痕歡山十三字爲韻首。下平之原標。僊宵戈唐耕清登侯幽談添嚴銜凡十四字爲韻首。而皆可刪併。想所謂東冬一百六字。亦非天定不可易者。且周秦以來未嘗見此。豈可以此求之。今故就詩論詩。依詩諧聲之次序。舉其一字。以後篇之同聲。編爲一類。用便查對。始鳩字。終奔字。共貳拾有四聲。

鳩

關鳩洲速流求免達康熙字典讀達為岐尤切音求與下

渠鳩切音求仇喬休求星昂讀本音不必叶稠猶舟舟流

憂遊風谷舟游求救讀本警售讀本泉漕轉注轉悠遊憂馳

侯悠漕憂竿竹悠舟遊憂黍憂求中脩讀本歎淑采蕭轉作

秋蟬休怡轉作憂休杜林周遊戎小收輶無袍轉作矛仇下蕭

見周斧破鉢迺休采柔憂菁舟浮休采警猶醜讀本節南矛

醕十月交憂休小猶集朱子從韓詩咎道轉作小醕究讀本

月悔轉作尤鐘磬轉作洲妯猶桑鯨柔求弓浮流憂黍牛

哉讀本幽膠轉作白茅轉作猶文臭讀本孚轉作下求

孚同生揄蹂斐浮阿卷游休酋民休述叔鏡轉憂休桑柔劉

憂江浮滔轉作遊求廣收瘳憂憂絲球牛鯨柔休津陶轉

由
囚鯨按長球旒休綵柔優道

得

唯得服側苳結禰草蕨懷說棠伐菱羔革絨食肅側息苦

葉涉柏側特慝桑麥北弋載麥極碩活藏發揭孽揭葉

鐐甲伯揭桀有側服丘麥國食羔飾力直狡食息子達闕

月南克得極葛棘服園有棘食國極伐輻側直億特食鼠

麥德國直鵲翼棘稷食極葛棘域息黃棘息特穴慄蟬翼

服息候翼服鵲棘武國伐柯克得天弔福質食德湛露棘德月

飭服熾急國則服翼服國采翼爽服革我行蓄特月特克

得力雨無德國彼何蜮得極側蓼鞠畜育復腹德極北息

國小息直福楚棘稷翼億祀福食福式稷救極億大祀黑

稷祀福

鴛鴦翼福

青棘極國

賓福德

荒息暱極

華翼德

縣側

極

文翼國億服德福

大翼福國

縣直翼

早祀福

皇德色革

則

下武式則德服

生夙育稷

行翼福

既德福

假福億

卷阿翼德

則

民息國極

蕩

克服德力

國德側

抑

賊則國

武棘

穡食迪復毒谷穀極背克力

崧

直國碩伯

民

則德翼式力

韓

貊國伯壑籍

漢

棘極德國

常

翼克國

臚

武背極

識織

潛

水

德則德服

誠

閭

稷福麥國

穡武

穡繹宅

貊武國

福翼極

采

采友各讀本音其聲自諧後皆倣此

關

采

采有

汝

尾燬

趾

趾子

采

趾事

江

汜以悔

何

穡

采

子否友

谷

體死

薺

弟趾

以

旄久

以

子耳

水

涕

彌弟姊靜煒美新泚鮮蠅指弟相齒止俟體禮死竹右

弟木李玖葛涖弟母有丘李子玖將仲里杞母裳洵士雨

晦已喜山畝母敝唯止水載濟滿弟謁已止杞母蓁采已

涖右門鯉子七耜趾子喜狼尾几四止杞母常犇弟杜杜

杞母麗鯉旨鯉有南山杞李母已蕭泥弟豈形喜右菁汴

喜六喜社久友鯉矣友吉有俟友右子矢兕醴汚水海止

弟友母祈士止節南仕子已殆仕雨無仕殆使子友小采

負似弁梓止母裏在巧祉已蓼耻久恃大七矢履視涕四

紀仕有北杞子事母楚止起信南理畝甫籽疑止士止子

畝喜右否畝有大止子畝喜裳宜有似車友喜賓否史恥

魚尾豈文已子大止子麟止右理畝事早濟弟皇比悔祉

子文王芭仕子生民祀子止祀子秬芭畝祀行葦履體泥弟

爾既醉士子假樂紀友士子卷阿止士使子抑友子李子子否

事耳子止悔桑柔里喜忌雲漢紀宰氏右止里江漢子似社離祀

子社母載芣旅以士耜畝秬醴妣禮有子宮子祀耳

芼

關芼樂采蘋藻潦柏舟悄小少標日月好報終風暴笑敖悼擊鼓手

老苦軌牡蒺藜埽道醜氓勞朝暴笑悼木瓜報好緇衣好造田叔于

狩酒好子田鵠首手藪阜遵大路手醜好雞鳴好報還茂道

牡好山有樞栲杻埽考保揚之水皓繡鵠憂羔裘衰究好騶虞阜手

狩戎小阜手權輿簋飽宛丘缶道翻出月皎繚糾悄照燎紹燥羔裘膏

曜悼匪風飄嘒道弔人候味嬌下泉膏勞七月棗稻酒壽蚤非鹿蒿

桃傲敖伐木埽牡舅咎嘉魚罩樂南山栲杻壽茂耆後湛露草考

弓囊好醕車攻好阜草狩吉日戊禱好阜醜斯干苞茂好猶十月之交

卯醜小旻否謀小弁道草擣老首巧言盜暴口厚巷伯好草山北酒咎

楚飽首考信南山酒牡考大田阜好莠類首阜舅魚藻藻首酒黍苗

膏勞茗之華首鬻飽何草道棧樵趣思齊廟保民生道草茂苞衰

秀好行華斗者蕩祝究抑苟報漏觀高泌寶保民考保水藻

躋昭笑教茆酒老道醜元鳥后九

萋

葛萋飛啗歸私衣汝墳枚飢采芣祁歸蟲薇悲夷柏舟微衣飛谷風

遲違畿式微歸北門啗霏歸碩人頎衣妻姨私莢脂蟾犀眉楊之

水懷歸丰衣歸風雨淒啗夷南山崔綏歸懷葦淒晞湄躋坻衡門

棲飢冠素衣悲歸人候齊飢月七遲祁悲歸山東歸悲衣枚九衣歸

悲四壯駢遲歸悲采薇駢依依駢依罪飢悲哀出遲車遲萎嗒祁歸夷

杜秋萎悲萎歸湛露晞歸遲燿輝旂斯飛躋節南夷違之交違哀

小哀微依月四淒腓歸梅尤薇梗哀鼓嗒嗒悲回楚尸歸遲

私大萎祁私菽維葵脆早枚回洞疊歸卷萎嗒板憐毗迷

尸屎葵資師主攜崧郢歸民駢嗒齊歸瞻鴟階有飛歸闕

依遲長發違齊遲躋祇圍

谷

葛谷木莫濩紵斲莠掇拊擊闕說闕活旄葛節日簡簫翟

爵淇綽較謔虐碩活發氓落若君子佶括渴采葛月細衣席

作子闕月泰樂謔藥東方月闕發載薄鄴夕揚之鑿襍沃

樂駟碩晨獲風櫟駟駁樂衣無澤駟駁作月七穫籜貉皇駱若度采作微

莫鳴籜石錯白藿夕客斯閣素月正樂炤虐兩夜夕惡巧言

作莫度獲楚碩莫客錯度獲格酢山信南霖渥大碩若車渴

括賓的爵系沃樂皇赫莫獲度廊宅臺伏濯鬻躍行膝罟

板憚莫虐譴躡藥抑格度射樂慘藐虐桑削爵濯溺高伯

宅藐躡濯韓狎國伯壑籍載活達傑駟駱維繹斲作水博

斲逆獲宮繹宅狎栢尺碩作若那斲奕客憚作恪

筐

卷耳筐行岡黃觥傷木荒將鵠方將殷陽遑綠裳亡燕燕顏將

日方良忘擊鎧兵行雄行臧北涼雋行二景養癘襄詳長

桑唐鄉姜鷄彊兄定之堂京桑臧載螭行狂蚩湯裳行廣

杭望有梁裳陽陽將仲牆桑兄大叔黃襄行揚清人

彭旁翔有女行英翔將姜忘丰昌堂將裳行草襄揚臧鳴明

昌光還昌陽狼臧著堂黃英東方明裳載湯彭翔嗟昌長

揚揚踰臧履霜裳汾方桑英行陟岡兄鵠行桑梁營常

鄰桑楊簣亡兼蒼霜方長央終堂裳將忘黃桑行防無裳

兵行渭陽黃宛湯上望東揚牂煌羔翔堂傷下稂京七

陽庚筐行桑桑折揚黃陽裳霜場羊堂觥疆破戕皇將九

魴裳鹿簣將行天享嘗王疆采剛陽出方彭央方襄杜陽

傷遑南山桑楊光疆蓼灤光忘六方陽章央行采鄉央瑋

皇珩庭央光將沔湯揚行忘黃桑梁明兄斯牀裳璋隍皇

王正霜傷將京痒十月行良常藏向藏王向巧盟長大霜

行漿長光襄章箱庚行揚漿北山彭傍將剛方牀行仰掌鼓鐘

將湯傷忘楚茨踰羊嘗將明皇慶疆將慶南山享明皇疆甫田明

羊方臧慶梁京倉箱梁慶疆裳華黃章慶弁類上柄臧車仰行

賓抗張角良方亡都人士黃章望軋葉亨嘗若之華黃傷何草黃行

將方文常京明大上王方商京行王梁光王京行王商洋煌

彭揚王商明絲伉將行械王璋章相王方皇兄慶光喪方

京疆岡陽將方王武下王京既醉將明樂皇王忘章疆綱公康

疆倉糧囊光張揚行岡京長岡陽糧陽荒卷阿長康常邛璋

望綱岡陽民勞康方良明王板明王蕩商塘羹喪行方抑尙

亡章兵方桑柔將往王痒荒蒼臧腸狂嵩高疆粳行民將明彭

鏘方韓奕張王章衡錫彭鏘光江漢湯沆方王召喪亡荒天荒

康行執康皇方明隍將穰見載王章陽央鵠光予閱王忘敬將

明行載香光駒皇黃彭疆臧有黃明津皇揚宮嘗衡剛將

羹房洋慶昌臧方常那嘗將烈疆衡鵠享將康穰饗疆嘗

將元商芒湯方長商祥芒方疆長將商衡王殷鄉湯羌享

王常

嵬

卷嵬隕疊懷終霾來思雷懷雄思來北敦遺摧子佩思來

盧令鉞總梅裘哉渭思佩鳩梅絲騏常威懷南臺萊采

焯雷威巧樂階谷頽懷遺嵬雲推雷遺摧駟駟伍才宮

枚回

硯

卷耳桃 硃瘡痛吁天 華家免 豈夫漢 蕤駒巢 居御何 彼華車虞

葭靜 紕乎女 虞妹 隅踟 旄干 旗都木 瓜瓠 荰羔 濡侯 渝有 車華瑤

都扶 蘇華都且 東門關 茶且蕤 娛蟬 居瞿山 樞樞 榆婁驅 愉

繆芻 隅羔 祛居故 興權 乎渠餘乎輿 株林 駒株 月瓜 壺苴 樗夫

鴟据 茶租瘡家跋 胡瑕 皇駒濡 驅詼 棣家帑 圖乎采 華車

出華塗居書祈 牙居我 行樗 居家斯 除去芋無 魚旗 十月

徒夫雨 無圖 辜鋪都家巧 且辜憊 辜何 人舍車吁 信南 廬

瓜苴 藻蒲居都 人餘旗肝 縣隅 趨徒 家板 渝驅抑 隅愚

韓屠 壺魚蒲車且胥漢 江車旗舒鋪潛 沮魚駒 魚祛徂

纍

木纍 綏綏 綏絲 泊訖 水淇思姬謀載 尤思之氓 絲謀淇丘媒

期思哉

竹淇之

支觸知

君子役

期哉

南崔綏戎小期

之門斯知

關有枝知

泉著師

皇華騏絲謀

嘉纓

南山基期

駒期思

節南

氏維毗迷

師

十月之交時謀

斯提

伊之伎雌

枝知

何人

易知祗

簾知斯

巷箕謀丘詩之

瞻彼

茨師駕摧

綏類

期時來

白卑底

飴

龜時茲板

簾攜

抑絲基

有追綏夷

敬之

思哉茲

榮

木縈成

兔丁城

鵲盈成

若葉

盈鳴

干旌城

與青瑩星

鳴鳴盈聲

著庭青瑩

嗟名清成正

甥

鹿鳴華賓

笙

常平寧

生伐

丁嚶鳴聲

生平

車攻

鳴旌驚盈

征聲成

斯庭楹正

節南

生寧

醞成姓

平寧

正小程經聽爭成

宛小

令鳴征生

營成平清成寧華之青生文王植寧絲成生靈營成有文王

聲寧成烝京成鷺涇寧清馨成板寧城蕩成刑聽傾抑行

心盈成漢雲臻牲聽星贏成正寧高松營城成漢江平定爭寧印

成傾維成禎有聲鳴聽成載馨寧今良盈寧那成淵聲平

聲烈祖成羹平爭殷武聲靈寧生

說

孟說振桃秦人采蘋濱野有腐春何彼緝孫燕淵身人擊

洵信凱薪人分榛苓人定中零人田淵千氓連言遷隕貧

黍天人揚之薪申叔于仁人義溱人揚之薪人信盧令仁

伐連屢狙餐輪潯淪困鶉殄揚之粼人緇薪天人采苓巔

信車鄰鄰顛令東門菅言澤吸簡卷悵鳩榛人年鵲勤閔東薪

年皇駟均詢燎晨輝旂鳴鶴天淵山節南親信十月之交天人正雨無

信臻身天宛小天人何人陳身人天巷人信幡言遷天人東大

薪人四月鵞天淵山北濱臣均賢無將大車塵底楚愆孫山信南甸田

寶年甫田千陳人年青蠅樊言榛人賓筵遙僊采菽命申苑柳天臻矜

白田人何草矜民王文天新棧天人早驚天淵人假人天命申卷阿

天人蕩民湛桑句民填矜泯燼頻雲漢天人臻崧高天申烝身

人瞻天人

薨

薨薨繩于田搆弓雞薨夢憎柳升朋小羣錞苑鷹弓滕興

音天保興陵增恒升崩承菁我陵朋水陵懲興斯干興夢羊無蒸雄

兢崩肱升月正林蒸夢勝憎陵懲夢雄十月之交令騰崩陵懲小

兢冰緣采弓繩絲 陧薨登馮與勝民生林冰登升歆今抑繩承
宮崩騰朋陵乘滕弓綬增膺懲承元勝承承

揖

系揖鰲桃實室標七吉日出卒述北適益適方中之日室栗

漆瑟與淇簀錫璧伯日疾黍實噎中濕泣及大室穴日羔力

直東門栗室即東方日室即漆栗瑟日室無七吉車漆

栗瑟防有雙鵲冠素結一楚實室鵲七一結七鵲績

東堙室室皇隰及杜實日車奕烏釋斯翼棘革無戡濕正

局躋脊蜴雨無血疾室蓼律弗卒大舌揭瞻秘室弁柏奕

懌賓抑都秩人實吉漸卒没出絲颺漆穴室模楫及

齊式入文王減匹績辟假抑秩匹板輯洽益易辟立蕩揭

撥良挂栗櫛室殷辟績適

林

兔林心標三今衣風心燕音南心凱南心音心雄音心谷
 風心喂甚耽子矜心音戎人音晨風林欽林株南風匪驚音
 月冲陰鹿鳴琴湛心牡駿論白音心斯何人風南心鼓欽琴
 音南車琴心賓林湛能華堪心林心大林興心皇心音
 卷南音桑風心民風心印深今水心南音琛金
 阿南音

楚

漢楚馬采筥釜下女行露夜露殷下處江有渚與處柏茹
 據想怒燕羽野雨日土處顧擊處馬下凱下苦雉羽阻谷
 雨怒筥式後微故露處與簡舞處俱舞虎組干旗都組五

子揚之水楚甫蒲許葛藟許父顧叔于田野馬武大叔馬組舞舉

虎所女遵大路祛惡故揚之水楚女著素華東方未明圃瞿夜莫

敵鱗雨汾沮洳莫度路陟岵岵父碩鼠黍女顧土所蟋蟀莫除

綢楚戶者杜林潛踽父鵲羽羽羽鹽黍怡所葛生楚野處采芣苢下

與黃鳥楚虎禦宛丘鼓下羽東門柳下東門紵語林馬野蟋蟀羽

楚處七月股羽野宇戶下鼠戶處鵲雨土戶子東野下宇戶

羽馬九渚所處四馬鹽處下羽父常棣務戎飫具孺伐木許莫

矜父顧潛酤鼓舞潛天保固除庶南山有臺枸櫞蕭蕭潛寫語處吉日

午馬麋所鴈羽野寡鳴野渚黃柳黍處父斯祖堵戶處語

正月瘡後口愈侮雨輔予十月之交馬處小土沮小笱後巧怒沮

樹數風雨女子四月暑予山北下土明土野暑苦雨罍除莫庶

暇顧怒處與女

甫田

鼓祖雨黍女

裳華

湑寫處

桑扈

羽祐

車女

舞湑寫

賓筵

楚旅

菽蓺

宮子馬

黼股下

予角

裕

後飲取

附屬

采鱣者

黍苗

御旅處

何草

虎野暇

文王

尋祖

麟

父馬

濟下女字附

後侮

皇矣

楮柘路

固旅祐

下禡

附侮

武下

許武祐

民生

去呱

許路

行樹侮

主醺

假樂

惡匹

劉公

野處旅

語阿

厚主

板

怒豫

蕩呼

夜

桑宇

怒處

雲漢

沮所顧

助祖

予去故

莫虞怒

高馬

土

民下

黍

甫茹吐

寡禦舉

助補

韓奕

土訐

甫嘖

虎譽

江漢

濟虎

土常

父旅

浦土處

緒武怒

虎虜

浦所

有瞽

瞽虞羽

鼓圍舉

載見

祐

暇客

旅

良女

管黍

關

馬野

有騶

鷺下舞

闕

緒野

女旅

魯字

輔暇

許字

那

與鼓祖

烈祖

祐所

酤武

武楚

阻旅

所緒

肄

汝肄棄甘棠敗慰拜說梅標堅謂野有脫悅終噫苦厲揭

谷潰肄堅泉邁害靜女莫異貽子逝害君子翟髡帝帝干

紕四界載濟闕伯背痲有厲帶黍穗醉采艾歲葛履提辟帝

刺十外泄逝蟪逝邁外蹶晨棣醉東門逝邁東門肺哲

慕萃訊月謁歲出旆杜疾至恤庭艾晰噉斯地謁議懼

節南惠戾屈闕正雨無戾勸退遂瘁訊退小艾敗小嘒潁屈

寐藜蔚瘁楚備戒大稗穡穗利鴛秣艾賓謂怠采潁屈

苑惕察適都人厲蠶邁采愛謂白外邁文帝易縣拔兌駝

喙早載備皇翳樹拔兌對季民旆穠既匱類澗漑堅勞惕

泄厲敗大板蹶泄壞畏蕩類對內式晦抑寐內柔優逮

隧類對醉悖高事式嶠惠厲察屈刺狄忌類瘁水筏噉大

邁闕富背試大艾歲害

定

躋躋定姓躋信命躋鳴贈順問躋斯寢夢躋節南領騁躋正無信臻躋弁

先瑾忍隕伯巷錦甚無將冥煩楚盡引桑領屏縣愠問醉壺

亂抑訓順柔競梗漢正闕遜

角

躋躋角族露行角屋獄足野有櫟鹿束玉牆東讀辱考陸軸宿

告山告鞠汾沮曲賈玉族聊刳篤無六煥戎續轂鼻玉屋

曲七真菽穆麥屋穀九陸宿天穀祿福足鷄穀玉白谷束

玉黃穀粟穀族我行遠宿畜復正祿僕祿屋屋穀祿桮獨

宛小扈粟獄卜穀木谷四濁穀小奧蹙菽戚宿覆山足穀

采綠菊局沐白華束獨皇矣弗仡忽拂醉既倣告祿僕桑鹿穀谷
迪復毒

中

采中宮僮公草蟲孟仲降行壙訟從羔縫總公小東公同

處蓬翟擊鼓仲宋仲風谷冬窮式躬中戎東同桑葑東庸之

方中宮伯東蓬容免置庸凶聰大叔控送扶蘇松龍童丰

巷送山南雙庸從采葑東從北同功縱公出蟲孟仲降戎

濃冲離同月六肫公車攻同龐音龍東調同祈聰饗節南傭訥

訥邦大東空無將離重磨同邦筵賓同功采蓬邦同從早中

降思公恫邦皇恭邦共衝墉靈樅鏞鐘應逢公文王功崇

豐靡東既融終鳥淑宗降崇雲蟲宮宗臨躬高邦功邦庸

召江共邦頻中弘躬烈邦崇功皇振雖容小蜂蟲宮東庸

蒙東邦同從功長共厖音工顧氏所謂一韻皆誤則每字

註之四龍勇動疎總

蛇

羔皮蛇蛇江有沱過歌新離施柏河儀它階珈佗河宜何

相皮儀為洪猗磋磨考阿適歌過竿左嗟免羅為惟叱

丘麻嗟施衣宜為雞鳴加宜今吹和有杜左我晨何多門

之差麻婆東門麻歌澤陂荷何沱東綽儀嘉何破綺叱嘉

麗魚驚多多嘉露離儀義我阿儀斯何黑蛇無阿池訛節南

猗何嗟多嘉是小河他舛羅何何椅地佗巧何多何斯何人

禍我可北議為裳左宜扈難那鴛羅宜弁何嘉他羅筵俄

僂嘉儀

桑

阿難何

巒

阿何

漸漸

波沱他

皇

阿池

武

賀佐

醉

何嘉儀

鳥

沙宜多

嘉

為

阿

多馳歌

抑

嘉磨為

嘉

儀

韓

皮

宮樣宜多

元

河宜何

包

野有

包

誘

風

天勞

旌

郊

人

敖

郊驕

朝勞

吳

勞朝

廣

刀

朝

木

桃瑤

離

苗

君

陶

清

消

庶

喬

分

漂

要

雨

膠

補

驕

切

泊

儵

敖

桃

桃

殺

謠

驕

碩

苗

勞

無

袍

矛

仇

巢

茗

切

美

遙

明

切

匪

飄

嘒

弔

衣

袍

鵲

巢

巢

茗

切

美

遙

明

切

匪

飄

嘒

弔

鴉

譙

翹

搖

曉

鹿

蒿

昭

桃

傲

敖

車

郊

旌

弓

崑

旄

鴈

嗷

勞

驕

駒

苗

朝

遙

之

交

勞

羈

我

瑤刀曹半匏板僚囂笑堯載苗庶

轉

舟轉卷選葉鴈旦泮靜女變管新洒澆珍借老展稗載反遠淇

個咍諼頤倩盼賦怨泮晏旦反大檻葵敢緇館粲于田慢

罕羔晏粲彦女旦爛鴈東門墀阪遠蔓草溥婉頤秦渙簡

甫變狗見升嗟變婉選貫反亂葛生粲爛旦澤陂苞儼枕伐遠

踐常難歎伐阪衍踐遠愆杜輶瘡遠嘉汕衍頻霰見宴角

反遠遠然皇援羨岸公館亂鍛板板痺然遠管直諫難憲

旦衍武暉翰漢訪渙難

顏

君子顏媛賦垣關中欬難還還間肩儼盧環髻十間閑

還伐檀檀干駢園閑素冠冠樂博鳴鶴園檀斯干干山節南山巖瞻

惔談斬監弁山泉言垣巧涵護甘飫賓反幡采藍檐簷簷

燔獻皇閑言連安有聲垣翰劉公原繁宣歎泉原泉單原安

殘縈反諫板藩垣翰抑顏愆高翰蕃宣嘽翰憲

奔

北殷貧艱鸛奔君葛潛昆聞大啍璊奔出其門雲存巾員

敵鯨雲無羣惇正鄰云慙何人艱門云信南雲雲雲采芹旂

皇明君行鈞均賢鳬臺熏欣芬艱桑填天矜雲焚熏聞逕

愚按宋陳振孫云。讀古書者。但當隨其聲而讀之。苟其聲

相近可讀。何必改字。楊慎曰。吳才老叶音。凡百數十字。皆

改古音。以就沈約之韻。不思古聲寬緩。如字讀。自可協。況

成周之世。豈知沈韻。今乃以沈韻而改詩楚詞古音。以合之。其亦謬矣。陳第曰。四聲之辨。古人未有。中原音韻。此類實多。舊說必以平叶平。仄叶仄。無亦以今而泥古乎。又曰。上去二音。亦輕重之間耳。又于綢繆隅字下註曰。或問二平而接以去聲可乎。曰。中原音韻。聲多此類。其音節未嘗不和暢也。顧炎武謂其所論至當。且曰。秦隴則去聲爲入。梁益則平聲似去。且一人之身。而出詞吐氣。先後之間。已有不能齊者。其重其疾。則爲入爲去爲上。其輕其遲。則爲平。以上所論甚明。乃其詩本音。以平上通爲一韻。平去通爲一韻。上去通爲一韻。上入通爲一韻。卽其論陳第之全書。猶扞格于四聲。一一爲之引証者。不重勞唇吻。費簡冊。

哉。故愚此書盡去不用。又按陳書分正證旁證。顧氏旁證
六經騷元及秦漢各詩文更博。今止以詩證詩。取其簡而
易明云。

毛詩古音叅義跋

先大夫所著經學八書嘗呈送四庫館齊楚書局蒙諸當事校閱許以實無違碍字句除已刻周易尊翼尙書可解春秋尊孟春秋應舉輯要禮記釐編周禮撮要外其未刻毛詩古音叅義春秋比事晚年猶復警校再三伊吾永日嘗寄語承煒謂某平生精力尤在毛詩古音一書汝其付刊以備採擇承煒顧以官卑祿薄不克逮父存日勉慰慈懷每用愧恨惺齋劉先生學道人也旣尹歙邑之明年百廢俱興尤以教人窮經爲先務承煒首以是書就正先生謂於陳氏顧氏本音之讀多所發明而不背於

功令并捐多金付梓嗚乎此豈易得於近今者昔李穆堂先生

毛詩古音叅義

跋

謂凡取人遺書殘稿而張之其功德與葬枯朽並其卽吾惺齋
先生之謂也爰誌端末以示不忘嘉慶庚申桂月承煒率男恩
繫恩埴謹識

毛詩古音叅義卷之一

楚安鄉後學潘相學

憶昔乾隆戊午己未館于縣署。奮志窮經。時以僻處下邑。尚未得讀。

頒發經書。惟觀五經大本。子頗有未安。因隨筆劄記。有詩書叅義各一冊。後乃恭誦。

欽定詩經彙纂。

御纂詩義折中。自喜瓦聲葉響。不悖鐘呂者十之二三。遠遊年久。得事友賢七大夫。偶有所得。亦附存之。回憶始爲時。忽忽將近五十年。老將至而耄及之。正未知有當否也。其久定之說。人人信從者。皆不重錄。至于兩聲相諧。予既不能從。吐敬遵。

當今考文音讀。有今音與古音同者。則依顧氏之例。不註何音。惟不同者。則依其註曰古音某。但顧氏雜引經傳之文以証之。此以限于篇幅。不能詳引。惟依李氏詩所讀本。稍有增損。世有讀顧氏音學五書者。自當知之。

國風

周南

舊說周國名南。南方諸侯之國也。顧氏據宋程大昌之論。謂南者樂名。詩所謂以雅以南者也。愚按夫子之訓伯魚。稱為周南召南。若以南為南方諸侯之國。則為歇後語。不似聖經。南字自當從樂名。為周公之南。召公之南。且象簡南籥為文王之樂。禮記有胥鼓南。李氏謂紹南風之熏者。斯為近之。

關關雎鳩。在河之洲。窈窕淑女。君子好逑。參差荇菜。左右流

之。窈窕淑女。寤寐求之。求之不得。寤寐思服。古音蒲北反。非叶。悠哉悠

哉。輾轉反側。參差荇菜。左右采之。采以聲自諧。窈窕淑女。琴瑟友

之。古音。參差荇菜。左右芣之。古音。窈窕淑女。鐘鼓樂之。古音五反。

關雎三章。后妃所自作。蓋求賢備內職。以佐君子之詩也。關雎荇菜。興而比也。淑女。謂羣賢女君子。謂文王好逑。猶言公侯好仇也。左右流之。比賢女散處也。左右采之。比取賢無方也。樂好也。求賢女備宮職。人數較多。故訪之甚博。擇之甚精。思之甚摯。猶有未得之時。不得之人。既得而友之。樂之。是后妃降體友之。得適其所樂也。孔子曰。關雎樂而不淫。哀而不傷。哀樂自屬作詩之人。如以此詩為文王所作。則治陽渭溪天作之合。王季定之。而命之親迎。青宮世子。何必憂其不得。

而寤寐勞思。幸其既得而親愛娛樂。如以此詩為宮人所作。則女君未至。羣妾先御。聖王之教諒不如此。衾裯燕婉之人。何以未得而憂思不已。臥難安席。既得而妄言友樂。冒上亡等。是兩說者。皆于詩人哀樂之情。有所難通。惟依古註。后妃求賢之解。則哀樂屬之后妃。見聖配性情之正。因以見文王性情之正。為二南始。為三百始。所為一言以蔽者。尤可見之矣。不贅錄。後倣此。

葛之覃兮。施于中谷。維葉萋萋。黃鳥于飛。集于灌木。其鳴喈喈。

古諸反。與萋飛諸。葛之覃兮。施于中谷。維葉莫莫。是刈是獲。為絺為

綌。服之無斃。綌音際。斃音亦。聲自相諧。言告師氏。言告言歸。薄污我私。薄

澣我衣。害澣害否。歸寧父母。否。古音房。以反。詩凡六見。母。古音滿。以反。詩凡十七見。考母字。惟蟻

蟻二章。與兩聲諧。顧氏定為滿。補反。其十六。皆以滿以反。為正。

葛覃三章。后妃偶于夏日歸寧。服綌綌之服。並商酌于澣否。以告女師。因追述其率淑女執婦功。服習其艱難。而歌吟其

勤苦也。賦也。亦樂而不淫也。

采采卷耳。不盈頃筐。嗟我懷人。寘彼周行。古音杭。詩凡陟彼

崔嵬。我馬虺隤。我姑酌彼金罍。維以不永懷。懷聲自陟彼高

岡。我馬玄黃。我姑酌彼兕觥。古音光。詩凡二見維以不永傷。陟彼阻

矣。我馬瘡矣。我僕痛矣。云何吁矣。

卷耳四章。比而賦也。后妃欲赴文王之難而作。所謂發乎情。止乎義也。亦哀而不傷也。卷耳可以佐食。比賢人可以養民也。采而不盈。比求而難得也。我。后妃自我也。七我字同。李氏

謂後三章我字為文王自我者非。懷人。謂懷文王也。寘彼周行。左傳云。能官人也。后妃言求賢難得。如我所懷之人。天子

當寘之王路。後先奔奏。而今乃囚之羑里。我欲跋涉險阻。往

赴其難。則于義不可。而託于馬僕之難行。酌酒自解。張目遠望而已。

南有樛木。葛藟荒之。樂只君子。福履綏之。南有樛木。葛藟荒

之。樂只君子。福履將之。南有樛木。葛藟荒之。樂只君子。福履

成之。

樛木三章比也。淑女感文王后妃之德而稱祝之也。君子兼指文王后妃也。淑女供內職。沐寵施惠。尊與后妃同樂。卷耳與后妃同哀。至于姜里出。弓矢賜。文王普其德化。后妃助其恩施。休嘉溢乎庭闈。太和洽乎六州。諸福之物。可致之祥。莫不畢至。所謂受祿于天。保佑命之。自天申之者。故一則曰福履綏之。再曰將之。三曰或之。

螽斯羽。詵詵兮。宜爾子孫振振兮。螽斯羽。薨薨兮。宜爾子孫繩繩兮。螽斯羽。揖揖兮。宜爾子孫蟄蟄兮。

螽斯三章。比而賦也。淑女頌文王后妃子孫之衆多也。蓋以申言樛木三章福履綏成之意。詵詵和也。振振壯也。薨薨盛也。繩繩繼也。揖揖讓也。蟄蟄聚也。

桃之夭夭。灼灼其華。古音敷詩凡八見。之子于歸。宜其室家。古音姑詩凡八見。

桃之夭夭。有蕢其實。之子于歸。宜其家室。桃之夭夭。其葉

蓁蓁。之子于歸。宜其家人。

桃夭三章。國人被文王后妃之化。而男女以正。婚姻以時也。感時起興。因以爲比而賦也。灼灼其華。喻容工也。有蕢其實。

喻德美也。其葉纂纂。喻福庇之盛也。觀婦人者。始觀其容工。繼察其賢德。終乃占其庇廕子孫之盛。

肅肅兔置。古音雌。與夫諧。稼之丁丁。赴赴武夫。公侯干城。肅肅兔置。

施于中逵。達岐尤切。與仇諧。顧氏曰。或謂達當作廋。音求。赴赴與仇字同音相諧。而經文未可輒改。姑闕所疑。

武夫公侯好仇。肅肅兔置。施于中林。赴赴武夫。公侯腹心。

兔置三章。國人被化之深。其野人亦有可用之才也。賦也。墨子書。交王舉閔天太顛于置網之中。授之政而西土服。意正如此。干城者。四境之寄。好仇者。六官之選。腹心。則公孤之任矣。由外以及內。自疏而至戚。立言之序也。用人之法也。

采采芣苢。薄言采之。采采芣苢。薄言有之。采采芣苢。薄

言掇之。采采芣苢。薄言捋之。采采芣苢。薄言結之。采采芣苢。

薄言禰之。

芣苢三章。賦也。鄉井比閭。婦子和樂。相與同采芣苢。如觀其狀。如聞其聲。所謂王民皞皞如也。李氏謂次于兔置。想見文王求才之殷。取才之盡之意。似亦可通。

南有喬木。不可休思。今文作休息。朱子從韓詩作休息。漢有游女。不可求思。漢

之廣矣。不可泳。古音羊。思。江之永矣。不可方思。古音于。翹翹

錯薪。言刈其楚之子于歸。言秣其馬。古音姥。漢之廣矣。不可泳思。

江之永矣。不可方思。翹翹錯薪。言刈其萸之子于歸。言秣其

駒。漢之廣矣。不可泳思。江之永矣。不可方思。

漢廣三章。賦而比也。國人服教畏神。游人不敢以無禮犯游女。因以咏文王之德。教如江之永。漢之廣。不可得而越也。言游女之端莊靜一。非復如前日之可求者。正以在上之禮教至廣至永。如江漢然。人不敢泳之方之者。自覺其不可泳。不可方也。所謂有耻且格也。秣馬。秣駒。何氏謂人若欲娶此女。必備六禮而秣馬以親迎也。再三言漢廣江永者。所以反覆歌吟乎文王之德化也。

遵彼汝墳。伐其條校。未見君子。惄如調飢。遵彼汝墳。伐其條肄。既見君子。不我遐棄。魴魚頰尾。王室如燬。雖則如燬。父母

孔邇

汝墳三章。賦也。魴魚句。又為比也。天祿識餘云。調韓詩作朝。薛君章句云。朝飢最難忍。毛詩作調。本屬魯魚。鄭氏求其說。而不得。謂調音稠。又改字作朝。不若朝飢之義。為長。焦氏易林。例如旦飢。晉郭遐周詩。言別在斯須。恚言如朝飢。漢晉去古未遠。當得其實。

麟之趾。振振公子。于嗟麟兮。麟之定。振振公姓。于嗟麟兮。

麟之角。振振公族。于嗟麟兮。音角。音鹿。

麟趾三章。比也。國人感文王后妃之德化。而頌其公子公姓之仁賢公族之盛昌也。與宮中淑女之歌。膠木。蠡斯同旨。周南十一篇。三十四章。百五十九句。以南為樂名。故不用之。國二字。凡南國字。皆去之。

召南

維鵲有巢。維鳩居之。之子于歸。百兩御之。王肅讀之。維鵲有巢。

維鳩方之。之子于歸。百兩將之。維鵲有巢。維鳩盈之。之子于歸。百兩成之。

鵲巢三章。比而賦也。言侯國夫人于歸。諸娣從之。猶關雎后妃之得衆淑女也。諸侯一聘九女。二國往媵。夫人之有家。猶鵲之有巢。夫人主其政。衆妾安其宇。分左右之職。滿姪娣之數。猶鵲巢而鳩居之。方之盈之也。祁其如雲。爛其盈門。亦有琴瑟友之。鐘鼓樂之之意焉。鳩。卽雌鳩之鳩。御。卽御車之御。

于以采蘋。于沼于沚。于以用之。公侯之事。于以采芣。于澗之中。于以用之。公侯之宮。被之僮僮。夙夜在公。被之祁祁。薄言還歸。

采芣三章。賦也。言夫人李諸嬪御親蠶。繅。猶周南之有葛覃也。被者。首服之名。在首。故曰首飾。何氏曰。被者。世婦之服。少牢禮。卿大夫之主婦。從祭。服髮髻。則此世婦夙夜趨于公桑蠶室。事畢還歸。亦服被也。

嘒嘒草蟲。趯趯阜螽。未見君子。憂心忉忉。亦既覯止。亦既覯止。

我心則降

古音紅

陟彼南山言采其蕨未見君子憂心惓惓亦

既見止亦既覯止我心則說陟彼南山言采其薇未見君子

我心傷悲亦既見止亦既覯止我心則夷

草蟲三章賦也大夫行役于外其妻思之之詩猶周南之卷耳也

于以采蘋南澗之濱于以采藻于彼行潦于以盛之維筐及

筥于以湘湘韓詩作鵠朱子從傳解湘作烹近日惠棟妄以之

維錡及釜于以奠之宗室牖下古音誰其尸之有齊季女

采蘋三章賦也少女將嫁教成之祭也昏義曰古者婦人先嫁三月祖廟未毀教于公宮祖廟既毀教于宗室教成祭之

牲用魚芼之以蘋藻此詩季女主祭祭也

蔽芾甘棠勿剪勿伐召伯所茇蔽芾甘棠勿剪勿敗召伯所

憩蔽芾甘棠勿剪勿拜召伯所說

甘棠三章賦也。思召伯也。召伯以分陝之尊。爲親民之吏。循行鄉邑。傳宣德化。勸課農桑。存撫耆逸。不煩邑尹之館舍。厨傳或芟舍于棠樹之下。如後世之官棚。或暫息焉。或停車焉。平易近民。所過能化。非聖人其孰能之。宜其歌父母之孔邇。久而不能忘也。始不伐其幹。繼不殘其枝。終不屈其條。其止愈暫。其愛愈深矣。

厭浥行露。豈不夙夜。古音豫謂行多露。誰謂雀無角。古音祿何以

穿我屋。誰謂女無家。古音姑何以速我獄。雖速我獄。室家不足。

誰謂鼠無牙。古音吾何以穿我墉。誰謂女無家。古音姑何以速我訟。

雖速我訟。亦不女從。吳才老二章之家。叶音谷。三章叶各空反。非。

行露三章。比而賦也。召伯平反孤女之冤獄。治賴婚之豪強也。首章爲孤女之供詞。二章三章。則與訟者面質之詞。豪強之人。內險外健。見女子之無父兄。始則欲鑽壁踰墻。強相窺逼。繼乃強欲結婚。見女子之不從。則恃其家富。貨賂官司。誣告以夙夜之訂約。道路之期遇。遭邑長之貪昧。困孤女子于囹圄。召伯訪知。親提訊問。詰女與訟者。何爲會遇。道塗女子親供。比強人于行露。示沾汚之不及言簡。而意伸。氣直而辨明。召伯乃令兩造面質。女子則云。汝雖嘗聞我屋。踰我墉。強欲

委禽。賴為婚姻。我實未嘗許允。如雀之穿屋。誰謂無角。而實不有角。鼠之穿墻。誰謂無牙。而實不有牙。汝乃挾其家勢。賄串眾証。陷我于獄。辱我于訟。蓬閣弱質。囚首公庭。苟非女之有家。何能致我于此。然女之室家。本非清白。不足為室家也。我豈肯汝從乎。再曰。誰謂明其眾口。一詞也。再曰。有家。明其獄以賄成也。問官媒証訟者。想應坐罪。而孤女得釋。序以為召伯聽訟者。明甚。或問何以知為孤女。訟女速獄。而親與之訟。非孤而何。此可據經以解之。以意逆之者也。列女傳。韓詩外傳。傳聞異詞。未足為據。

羔羊之皮。古音素絲五紵。退食自公。委蛇委蛇。古音羔羊之

革。素絲五紵。委蛇委蛇。自公退食。革古音棘羔羊之縫。素絲五總。

委蛇委蛇。退食自公。

羔羊三章。賦也。大夫節儉正直。從容自得。于朝廷之上也。羔裘朝服。兩皮相接之處。以素絲為組聯之。拊其縫際。左右中間其壓五組。其縫高起。胡氏謂縫之袞兀為純。其數則五也。毛敝而革見也。絨界也。純敝而界見也。縫線綴之也。革敝而縫見也。合而為一曰總。絨敝而總見也。委蛇自得之貌。于裘敝。見其節儉。于委蛇。見其正直。于退食從容。又見其朝廷清

明法度修舉國家
太平無事之象

殷其雷在南山之陽。何斯違斯。莫敢或遑。振振君子。歸哉歸哉。

殷其雷在南山之側。何斯違斯。莫敢或遑。息振振君子。歸哉歸

哉。殷其雷在南山之下。古音戶何斯違斯。莫或遑處。振振君子。

歸哉歸哉。舊本。側叶莊力反。顧氏謂側與力本一韻。何以云吐

之注而未詳考也

殷雷三章。大夫行役于外。其室人思之而望其歸也。興而賦也。羔裘節儉正直。見大臣之法。殷雷勤勞信厚。見小臣之廉。內外得人而上下胥安。男子盡忠而婦人守義。此所以爲三南也。

標有梅其實七兮。求我庶士迨其吉兮。標有梅其實三兮。求

我庶士迨其今兮。標有梅頃筐堅之。求我庶士迨其謂之。

標梅三章。鄉大夫賓賢能之所作也。比而賦也。雅稱濟濟多士。文王以興其求賢之法。則閭閻族師黨正州長以次書之。

考之。鄉老鄉大夫三年大比以禮賓其賢能。獻書于王。登之天府。故此詩以標梅爲比。言梅實之熟者。取其三而留其七。國家求我庶士。如采彼秋實。亦及賓興之吉日。而拔其尤者。至于梅取其七而留其三。可謂取之甚多。國家求士亦及今之時。而廣其途以取之。至于梅盡取矣。士盡用矣。則又當以鄉射五物詢衆庶以儲其才。以備庶士之求。亦及今之時。有以告語之也。謂卽詢也。求士如此。此所以內外得人。有羔羊殷雷之詩也。舊說謂女子自言求庶士之來娶。至于迫不及待。恐桑濮間人亦不如是。徐與喬乃謂女子是機警人。女子全節不在貞一。而在機警。又謂三個求我。急忙中甚有分曉。不幾于兒戲語乎。野有死麕末章爲女子之自言。亦同此疑。

嘒彼小星。三五在東。肅肅宵征。夙夜在公。寔命不同。嘒彼小星。維參與昴。肅肅宵征。抱衾與裯。寔命不猶。昴從寅卯之卯。以爲力求反者非。

小星二章。夫人能惠下。而衆妾各循其禮命也。賦也。夫人衆妾禮命之數不同。莫或敢越。

江有汜。之子歸。不我以。不我以其後也。悔。江有渚。之子歸。不我與。不我與其後也。處。江有沔。之子歸。不我過。不我過其嘯。

江有汜三章。比而賦也。嫡不與媵偕行。後乃悔而迎之。視關雎之求賢。鵲巢之百兩同歸。不及遠矣。然猶有悔心而迎媵。以往其亦沐浴于后妃夫人之化者乎。江之決出復入爲汜。岐出爲渚。別流爲沱。

鹿白茅純束有女如玉
舒而脫脫兮無感我帨兮無使尫也

野有死麕三章賦也序云惡無禮也蓋田獵者所作民間習俗男女多于上已踏青射之懷春非詞曲家思春之謂彪田犬也田者與其同類牽彪以獵于野見有淫邪之士勾誘踏青之女相與斥其無禮言野有死麕猶用潔清之白茅包之汝寧非吉士乎而誘此懷春之女無禮已甚吉士者美其名誘之者醜其行也又言欲取撲椒死鹿以爲用猶必以白茅束而取之況此潔白如玉之女豈可犯以非禮無奈此人邪心愈熾急行疾走至于撞捫獵者驚其田犬乃復正告之曰汝且舒緩而行無動我之悅毋致彪之吠其教之以儀度遏其邪行者不爲惡言而惡之者愈至田者其猶有免置之

賢乎。死麋死鹿。蓋田者先時之所殺也。因所事事以起興。亦見惡之之意。脫脫舒緩貌。

何彼禮今本有作禮者。唐石經作禮。從禾者非。矣。唐棣之華古音數。曷不肅雝。王姬

之車。何彼禮矣。華如桃李。平王之孫。齊侯之子。其鈞維何。

維絲伊緝。齊侯之子。平王之孫。音居。

何彼禮矣。三章興也。美王姬也。先儒以為平王者。文王也。國語太子晉曰。自后稷之始。基靖民。十五王而文始平之。是稱

文王為平王。猶稱武王為寧王也。齊侯。丁公。伯也。邑姜與。伯為兄弟。故王姬歸其子也。

彼茁者葭。古音姑。壹發五豝。古音伯。于嗟乎騶虞。彼茁者蓬。壹

發五豝。于嗟乎騶虞。

騶虞二章。賦也。言王化之行。由民及物。易所謂王用三驅。失前禽。詩所謂大庖不盈者也。是以體信達順。四靈皆至。騶虞之義。亦麟趾之意歟。二南之風。只肅雍二字盡之。而于何彼禮矣。提出。猶鄉黨篇之結出時字也。文王以龜宮肅廟之聖。刑于官闈。推于家邦。關雎至益斯宮闈之肅雍也。桃夭以下。則家邦之肅雍也。龜巢至采蘋亦宮闈之肅雍也。甘棠以

下則亦家邦之肅離也。肅肅敬也。離離和也。夫敬以和而禮樂興焉。抑鄭衛諸國之風。則不肅不離。天子諸侯無修齊之化。王迹熄而詩亡。匪但雅亡。風先亡矣。謂僅分正變者。猶淺也。抑鄭衛何以次二南。二南原周之所以興。抑鄭衛見殷之所以亡。周興而封康叔。康亦作新之。而舊染太深。一轉爲鄭衛之風。而王化不行。王風乃與侯國同。鄭王所依。齊晉王所藉以存。至秦得周地。而王終不振。陳檜曹其細已甚。終之幽者。變必反其所自始。夢周公之志也。故以文王始者。以周公終。此國風之序也。

召南十四篇。四十章。百七十七句。

北

經標抑鄭。傳臆解爲衛事。不知抑鄭立國亦久。何得無風。故抑自柏舟至泉水。鄭自柏舟至鴉奔。皆抑鄭人之事。抑鄭人之風。北門以後。定之方中。以後則或本抑鄭故地。其臣民已屬于衛。而言衛事之詩。其音節仍各依其舊。故附于後。彼謂稱抑鄭。猶春秋之存陳者。恐未爲定論也。

汎彼柏舟。亦汎其流。耿耿不寐。如有隱憂。微我無酒。以敖以遊。

我心匪鑒。不可以茹。亦有兄弟。不可以據。薄言往愬。逢彼之怒。我心匪石。不可轉也。我心匪席。不可卷也。威儀棣棣。不可選也。憂心悄悄。愠于羣小。覯閔既多。受侮不少。靜言思之。寤辟有標。日居月諸。胡迭而微。心之憂矣。如匪澣衣。靜言思之。不能奮飛。

柏舟五章。比而賦也。詩序曰。仁而不遇也。孔叢子曰。孔子讀柏舟。見匹夫執志之不可易。朱子據劉向列女傳。定為婦人之詩。蓋其詞氣卑弱。亦有兄弟四句。的屬婦人聲口。末句不能奮飛。明婦人無可去之義。非人臣比。日居月諸。與後日月及雄雉之瞻彼日月相同。柏舟與邶之柏舟皆為篇首。且與二南首宮闈之義相同。亦正相反。其為邶之婦人。不得于夫所作。義自較勝。至朱子註孟子。引憂心悄悄。又曰。本言衛之仁人。云云。蓋不敢以孔子之事。當婦人之詩也。先賢註經之詳慎。畏聖人之心。于此可見。

綠兮衣兮。綠衣黃裏。心之憂矣。曷維其已。綠兮衣兮。綠衣黃

裳心之憂矣。曷維其亡。綠兮絲兮。女音汝所治兮。我思古人。俾

無訖古音羽反兮。絺兮綌兮。淒其以風。我思古人。實獲我心。本風

音方惜反與心相諧詩凡六見顧氏唐音正甚明而詩本音此風字下又音方凡反李氏本亦因之皆非

綠兮四章。比而賦也。猶柏舟之意也。朱子云。綠衣至終風四篇。序皆以爲莊姜之詩。惟燕燕一篇畧爲可據。相考左傳。莊姜以戴嬀之子爲子。莊公聽之。未嘗以寵州吁。有廢完而立其所愛之命。完立已十六年。州吁方弑完。則莊公之存。不過薄待莊姜。莊姜原未失位。及完既正。莊姜又爲君母。是小序所謂夫人失位。作綠衣之詩。已屬難信。故朱子謂始從序說耳。至燕燕四章。序謂莊姜送歸妾。朱子據遠送于南一句。爲送戴嬀之驗。考戴嬀大歸。經傳俱無明文。如謂子弑必定大歸。則莊姜無子。撫桓公以爲子。子既被弑。何不大歸。州吁以三月十七日篡弑。九月伏誅。國人立桓公之弟晉。不知亦戴嬀之子否。卽非其子。而晉非如魯宣之與弑子。赤則戴嬀亦可與莊姜相依。不必大歸。如謂歸于州吁。篡立之時。則州吁安忍無親。何難禁防莊姜。豈肯聽其遠送于野于南。作詩悲哀。且恐莊姜亦懼禍。而有所不敢也。因併存之以質疑。

燕燕于飛。差池其羽。之子于歸。遠送于野。古音神與反瞻望弗及。泣

涕如雨。燕燕于飛。頤之頤之。之子于歸。遠于將之。瞻望弗及。
佇立以泣。燕燕于飛。下上其音。之子于歸。遠送于南。古音泥心切。
瞻望弗及。實勞我心。仲氏任只。其心塞淵。終溫且惠。淑慎其
身。先君之思。以勗寡人。

燕燕四章。興而賦也。李氏謂嫡媵相送之詩。亦不指定莊姜送戴嬀也。

日居月諸。照臨下土。乃如之人兮。逝不古處。胡能有定。寧不我
顧。日居月諸。下土是冒。乃如之人兮。逝不相好。胡能有定。寧
不我報。日居月諸。出自東方。乃如之人兮。德音無良。胡能有
定。俾也可忘。日居月諸。東方自出。父兮母兮。畜我不卒。胡能
有定。報我不述。

日月四章。賦也。邶婦人見棄于其夫。呼日月父母而訴之也。考莊姜之失位。既無確據。以莊姜之知妻道。必不以乃如之。

人輕薄其君。又豈肯直以無良言之。如謂其指斥州吁。則既畏州吁之禍已。而又怨之。詈之。不益速其禍乎。且逝不相好。亦非君母。施于賊子之語。故仍闕之。如前章云。○不述言不足述于人也。

終風且暴。顧我則笑。諠浪笑敖。中心是悼。終風且霾。惠然肯

來。莫往莫來。悠悠我思。終風且曠。不日有曠。寤言不寐。願言

則嚏。曠曠其陰。虺虺其雷。寤言不寐。願言則懷。

終風四章。承上章而申言之詞。比也。前云寧不我顧。今則我顧而笑。出之戲。慢猶不顧也。前云寧不我報。今則亦或我報。而莫往莫來之時甚多。猶不報也。曠而曠。狂惑無常。使我不能寐而嚏。亦胡能有定。俾我難忘之意。其陰其雷。狂惑益甚。使我不能寐而寐。亦胡能有定。報我不述之意。序以爲莊姜遭州吁之暴。朱子謂詳味此詩。有夫婦之情。無母子之意。若謂爲莊公而作。則朱子所謂今始從之者。

擊鼓其鏜。踊躍用兵。右音必良反。土國城漕。我獨南行。右音杭。從孫

子仲。平陳與宋。不我以歸。憂心有忡。爰居爰處。爰喪其馬。右音古。

于以求之于林之下。

古音戶

死生契闊與子成說執子之手。

與子偕老。于嗟闊兮不我活兮。于嗟洵兮不我信兮。

擊鼓五章邶之從軍者怨其用兵而憂不得歸見其室家也賦也。

凱風自南吹彼棘心。棘心天天母氏劬勞。凱風自南吹彼棘

薪。母氏聖善我無令人。爰有寒泉在浚之下。古音戶有子七人

母氏勞苦。睍睍黃鳥載好其音。有子七人莫慰母心。

凱風四章邶地七子之母性情乖張七子不得于其母而作詩自責以慰母也興而比也凱風長養萬物不棄賤小似其母激烈操切鄙棄諸子謂肩墳肩之務故曰劬勞曰聖善曰勞苦亦微見其聰察勤劬苛虐不能容之意。

雄雉于飛泄泄其羽。我之懷矣自詒伊阻。雄雉于飛下上其

音展矣君子實勞我心。瞻彼日月悠悠我思道之云遠曷云

能來。百爾君子不知德行。古音杭不忮不求何用不臧。

雄雉四章。邶士大夫之妻。念其君子之遠役。勉其修德。以圖全也。興也賦也。

匏有苦葉。濟有深涉。深則厲。淺則揭。有彌濟盈。有鸛鳴鴈。旭日始

雉鳴。濟盈不濡軌。古音九雉鳴求其牡。莫九反雝雝鳴鴈。旭日始

旦。士如歸妻。迨冰未泮。招招舟子。人涉卬否。古音房人涉卬

否。卬須我友。古音

匏有苦葉。四章。比也。宜据荷蕢所援。刺士之不知進退出處之宜也。匏本涉水之具。而有苦葉。則尚未可用。濟為過渡之處。而有深涉。則尚未可濟。卽匏可用。濟可涉。亦當視其淺深。以為厲揭。今乃有彌滿之盈。而欲濟之。不當進而進也。又如雌雉之聲。本無可鳴。而有鸛者。鳴之。不當鳴而鳴也。濟盈者。必濡其軌。以喪身。今乃謂不濡軌。不知進退存亡之正也。雌雉本不當鳴。乃北雞之鳴。而求配其牡。不知求富貴利達之羞也。試觀貞女之歸。以漸而吉。必其夫家于冰之未泮。以吉旦納采。聽雝雝之鳴。雁而後于冰泮。親迎以歸。苟非其禮。非其時。貞女不行也。又觀君子之行。以類而進。雖舟子招招。然號召濟渡。人皆從之。我獨否者。我必須我友同濟。非其人。不可與隨往也。士君子雖急于濟世。亦豈可不度其可否。而冒

昌焉輕于一試哉。玩味詩意。似與雄雉末章。勉君子之知德。行戒。枝求以用。臧者同義。未必為刺淫亂而作也。○玩士如我友等字。有句外句。味外味。飛曰雌雄。走曰牝牡。然牝雞雄。低古人通用。似不當滯此二字。謂為亂也。濟朱傳曰。渡處也。李氏讀為禹貢。濟潔之濟。非是。

習習谷風

古音方。惜反。

以陰以雨。黽勉同心。不宜有怒。采葑采菲。無

以下體。德音莫違。及爾同死。行道遲遲。中心有違。不遠伊邇。

薄送我畿。誰謂荼苦。其甘如薺。宴爾新昏。如兄如弟。涇以渭

濁。湜湜其沚。宴爾新昏。不我屑以。毋逝我梁。毋發我笱。古音。我

躬不閱。遑恤我後。古音。就其深矣。方之舟之。就其淺矣。泳之

游之。何有何亡。黽勉求之。凡民有喪。匍匐救之。不我能慙。反

以我爲讎。既阻我德。賈用不售。昔育恐育鞠。及爾顛覆。既生既

育。比予于毒。我有旨蓄。亦以御冬。宴爾新昏。以我御窮。有洸

有潰既詒我肄。不念昔者伊余來暨。

谷風六章音義甚明皆逐婦之詞有比有賦可以想也。

式微式微胡不歸。微君之故胡爲乎中露。式微式微胡不歸。

微君之躬胡爲乎泥中。

式微二章疑卽卽君爲衛所逼逐露處泥居其臣悲怨之詩也賦也言今之衰微甚矣我何以不歸乎以君之故故相與在中露泥中也舊說以爲黎侯失國爲寓公子衛夫國既滅矣更何所歸考魯宣公十有五年當衛穆公之時黎爲赤狄所滅晉人數赤狄之罪立黎侯而還今式微蒺丘等詩在北門新臺之前北門新臺實衛侯朔及宣公時事孔子正詩不應前後失所如是故存之以志疑。

蒺丘之葛兮何誕之節兮。叔兮伯兮何冬日也。何其處也必有與也何其久也必有以也。狐裘蒙戎匪車不東。叔兮伯兮靡所與同。瑣兮尾兮流離之子叔兮伯兮衰如充耳。

旄丘四章。疑亦邶君爲衛所逐。怨鄰國不我援之作也。賦也。蓋君臣在外日久。露處泥居。裘葛異候。敝車東來。瑣瑣賣告。卑末而在人尾後。流離漂散。景慘情悲。伯叔之邦。若罔聞知。故始諒之。終乃責之。叔兮伯兮。真無人心。而邶之君臣亦不足。以動人。故終爲衛所滅。其在春秋以前。齊桓未伯之時乎。

簡兮簡兮。方將萬舞。日之方中。在前上處。碩人俟俟。公庭萬

舞。有力如虎。執轡如組。左手執籥。右手秉翟。赫如渥赭。公言

錫爵。山有榛。隰有苓。古音力珍反。詩凡二見。並同。云誰之思。西方美人。彼

美人兮。西方之人兮。

簡兮四章。疑衛旄得邶。收錄邶之賢才。顧使爲賤職。而仕于伶官。亦以譏頌人之失節也。賦也。與也。簡兮簡兮。擇而又擇也。擇人而如此人者。使之充萬舞之職。至于日中久暴。在前在上。曾亦知此人固頌人也。以魁梧奇偉之貌。負後先禦簡之才。乃使之公庭萬舞。夫豈知其有力如虎。執轡如組乎。只見左手執籥。右手秉翟。顏色充盛。其赤厚漬而有光澤。公不知也。而止言錫爵以賞之。頌人不能。有守君亦用違其才。總由時無明王。故其國見滅。其才受阨。如此亦安得西土盛王。

復作而興滅繼絕舉廢逸也哉。

悲彼泉水。亦流于淇。有懷于衛。靡日不思。變彼諸姬。聊與之謀。

古音媒。

出宿于泂。飲餞于禰。女子有行。遠父母兄弟。問我諸姑。

遂及伯姊。

出宿于干。飲餞于言。載脂載牽。還車言邁。遄臻于

衛。不瑕有害。

牽古轉音害。

我思肥泉。茲之永歎。思須與漕。我心悠

悠。駕言出遊。以寫我憂。

泉水四章。疑衛女嫁于鄆。國破君亡。欲歸于衛。而謀之諸姬。伯姊皆謂有害。遂不果往。其欲歸者情也。其不歸者。止于義也。紀叔姬之終于鄆。殆若此乎。不瑕有害者。人不之瑕疵。而有害于義也。賦也。

出自北門。憂心殷殷。終窶且貧。莫知我艱。已焉哉。天實爲

古音譌。諸

何。之謂之何哉。王事適我。政事一埤益我。我入自外。室人交

徧謫我。已焉哉。天實爲之。謂之何哉。王事敦我。政事一埤遺

我我入自外。室人交徧摧我。已焉哉。天實爲之。謂之何哉。李因篤曰。

爲何二字。
其聲自諧。

北門三章。大夫困于內外之詩也。賦也。侯國之詩。惟衛之伯也。稱爲王前驅。唐之鴛羽。稱王事靡盬。秦之無衣。稱王于職。師皆各有所指。此言王事適我。敦我。其左公子洩。右公子職。逐惠公。立黔牟。諸侯伐之。王人子突救衛之時乎。蓋王師來救。必有糗糧芻蕘之需。五國伐衛。又多守禦攻戰之費。王事既適之敦之。國中政事。又皆益之遺之。兵食不足。內外空匱。艱難已極。故行役而出北門。慮國事之孔棘。而自外入家。其室人又或以出衛朔。立黔牟。咎其失策。如左傳所稱當時君子。以二公子爲不度者。二公子之黨如大夫甯跪輩。憂其事之必敗。無可奈何而歸之于天。蓋亦賢矣。若謂止是憂其室家之貧。室人爲貧而譏之。摧之。恐非本指。

北風其涼。雨雪其雩。惠而好我。攜手同行。古音杭。其虛其邪。古音徐。
既亟只且。北風其喈。雨雪其霏。惠而好我。攜手同歸。其虛其邪。既亟只且。莫赤匪狐。莫黑匪烏。惠而好我。攜手同車。其虛

其邪既亟只且

北風三
章比也

靜女其姝俟我於城隅。愛而不見。搔首踟躕。靜女其變。貽我彤管。彤管有煒。說懌女美。自牧歸荑。洵美且異。匪女之爲美。美人之貽。

靜女三章。答北風也。比也。以靜女比幽人。以城隅比隱居。其初各自爲隱。不相見而相慕。賢者處亂世。深自迷避如此。繼言幽人貽我以法度。如女史記事規誨之所執。甚可愛美。又言隱處田間。相餽皆草野之物。以爲賢人所貽。則雖荑亦美矣。

新臺有泚。河水瀰瀰。燕婉之求。蘧篚不鮮。

古音犀。

新臺有洒。

古音。

銑。

河水浼浼。

古音免。

燕婉之求。蘧篚不殄。

魚網之設。鴻則離之。

燕婉之求。得此戚施。

離古音羅。施古音式何反。

新臺
三章

二子乘舟。汎汎其景。古音於願言思子。中心養養。二子乘舟。

汎汎其逝。願言思子。不瑕有害。

二子乘舟二章。不瑕有害。亦謂其人皆不之瑕疵。而實有害于義理也。左傳。楚文王謂申侯有不汝瑕疵語。與此正同。歐陽氏曰。二子舉非合理。死不得其所。可哀而不足尚也。朱子曰。此亦見二子事親之道有未盡也。舜事瞽瞍欲使之。未嘗不在側。索而殺之。未嘗可得。此所以為法可傳也。○抑風之始。夫離其妻。母棄其子。君黜武而虐民。士解耻而呈身。故有式微旋丘。簡兮之詩。至其地入衛。以後北風北門。君臣之道窮。新臺乘舟。夫婦之倫亂。父子之恩絕。亦以見衛為狄所滅有由矣。

抑風十九篇。七十二。章。三百六十三句。

鄘

汎彼柏舟。在彼中河。髮彼兩髦。實維我儀。古音之死矢靡他。母

鬢也。玉之瑱也。象之擗也。揚且之皙。

皙從析從白。古音息。例反。與易明辨皙之皙從折從

日者也。胡然而天也。胡然而帝也。

嗟兮嗟兮。其之展也。蒙彼

絢絺。是繼袿也。子之清揚。揚且之顏也。展如之人兮。邦之媛也。

君子偕老三章。

爰采唐矣。沫之鄉矣。云誰之思。美孟姜矣。期我乎桑中。要我乎

上宮。送我乎淇之上矣。

爰采麥

古音莫北反。

矣。沫之北矣。云誰之

思。美孟弋矣。期我乎桑中。要我乎上宮。送我乎淇之上矣。

爰采葑矣。沫之東矣。云誰之思。美孟庸矣。期我乎桑中。要我乎上

宮。送我乎淇之上矣。

桑中三章。桑間濮上。妓女期會之詩。今曹濮之地。土民猶多。窩宿娼妓。不以爲醜。其遺風也。若以爲世族在位。相竊妻妾。則雖左傳載有易內之事。亦未必公行。期會于眾目共屬之地。作爲歌詩。長言咏歎也。後世極衰亂之時。猶未見此。乃以

誣周之士

大夫乎

鴉之奔奔。鵲之疆疆。人之無良。我以為兄。古音虛王反 鵲之疆疆。

鴉之奔奔。人之無良。我以為君。

鴉之奔奔二章

定之方中。作于楚宮。揆之以日。作于楚室。樹之榛栗。椅桐梓漆。

爰伐琴瑟。升彼虛矣。以望楚矣。望楚與堂。景山與京。古音降

觀于桑。卜云其吉。終然石經作然允臧。靈雨既零。古音力珍反

命彼倌人。星言夙駕。說于桑田。匪直也人。秉心塞淵。騶牝三千。

定之方中三章。楚丘等地。其即衛所得廩之故地乎。文公承破滅之後。遷都楚丘。再造衛國。日不暇給。規模鴻遠。因天之時。辨方正位。先作宮廟。繼營居室。廟社朝市。次第經營。察地之利。體國經野。教民種樹。以阜財用。榛栗可食。椅桐可為琴梓。可為器。漆可飾物。人神之用。禮樂之需。莫不備具。蓋其將營宮室之先。升虛望楚。以審形勢。望楚與堂。以建都邑。測景

于崇山及高仰以慎封守為設險防禦之具于是物土之宜而布其利則辨植產之俾民用者而降觀于桑夫如是則始之卜筮協吉者其終信能有成卜世卜年善建不拔也人事既盡天休至焉時雨之降如有神靈急急循行阡陌觀女紅于桑勸農功于田生養者幾十年于是以成富庶之象人既然矣又何但人乎即其良馬亦至三千之多蓋由中興之主急根本之圖而不尚虛交秉心之塞也建久遠之策而不徇淺近秉心之淵也塞淵二字其天德王道之極致乎

蝮螭在東莫之敢指女子有行遠父母兄弟朝濟于西崇朝其雨女子有行遠兄弟父母乃如之人也懷昏姻也大無信

也不知命也母古音滿補反

蝮螭三章玩女子有行二句則為已嫁之婦玩懷昏姻三句則為棄賤貧貪富貴扶眼去其夫若朱買臣之妻之類故以大無信不知命刺之非女子之徒與外人私者

相鼠有皮古音人而無儀古音人而無儀不死何為古音相

鼠有齒人而無止人而無止不死何俟相鼠有體人而無禮

人而無禮胡不遄死

相鼠
三章

子子千旌。在浚之郊。素絲紕之。良馬四之。彼姝者子。何以畀之。
子子千旟。在浚之都。素絲組之。良馬五之。彼姝者子。何以予之。
子子千旌。在浚之城。素絲祝之。良馬六之。彼姝者子。何以告之。

千旌三章。美大夫之能下士也。傳稱文公敬教勤學。授方任能。故自蜈蚣至此。人知廉耻。禮義樂善尊賢。所以爲中興也。

載馳載驅。歸唁衛侯。

古音胡。

驅馬悠悠。言至于漕。大夫跋涉。我心

則憂。既不我嘉。不能旋反。視爾不臧。我思不遠。既不我嘉。不

能旋濟。視爾不臧。我思不閔。

陟彼阿丘。

古音主其反。

言采其蟲。

古音。

芒。女子善懷。亦各有行。

古音杭。

許人尤之。衆穉且狂。

我行其野。

芄芃其麥古音莫北反控于大邦誰因誰極大夫君子無我有尤古音

羽其百爾所思不如我所之

載馳四章歸唁衛侯者篤親之仁不能旋反者聽諫之明野有凡麥者破滅之感控于大邦者復仇之義誰因誰極者濟險之智如式微旄丘便不知誰因一句之解許夫人誠賢能哉事在文公遷國之前而序于後者非本國之詩也

鄘風十篇二十九章百七十六句

衛

瞻彼淇奧綠竹猗猗古音於戈反有匪君子如切如磋如琢如磨瑟

兮慆兮赫兮咺兮有匪君子終不可諼兮瞻彼淇奧綠竹青

青有匪君子充耳琇瑩會弁如星瑟兮慆兮赫兮咺兮有匪君

子終不可諼兮瞻彼淇奧綠竹如簣有匪君子如金如錫如

圭如璧寬兮綽兮倚重較兮善戲謔兮不為虐兮

淇奥三章。美武公也。首章言其明德之功。次章言其臨民之儀。三章言其金錫圭璧幾于至善之效。戲美而不爲虐。又選言之。

驗也。

考槃在澗。碩人之寬。獨寐寤言。永矢弗諼。考槃在阿。碩人之

適。獨寐寤歌。永矢弗過。考槃在陸。碩人之軸。獨寐寤宿。永矢

弗告。

韓詩問作王。惠棟謂當作開。與寬諼協韻。是不知詩可言諧聲。不可言協韻也。且今韻寬諼亦不同部。不可言協。

考槃三章。美賢者隱居求志。無慕乎外。而自得也。寬者。心之廣。適。猶窩也。適者。居之安。軸者。行之堅。弗諼者。不易乎世。弗過者。各止其所。弗告者。不能喻諸人也。○或曰。碩人。卽下篇之碩人也。碩人。不見答于莊公。而考槃槃器。以歌其心之廣。居之安。行之堅。至于獨寐言。寤寤處冷宮。而貞信之操。久而愈篤。故下篇卽以其門地答德。備言其美。而歎莊公之昏惑。說似可通。

姑存之。

碩人其頤。衣錦褰衣。齊侯之子。衛侯之妻。東宮之妹。邢侯之嬖。譚公維私。手如柔荑。膚如凝脂。領如蝤蛴。齒如瓠犀。螭首蛾

眉巧笑倩兮。美目盼兮。碩人敖敖。說于農郊。四牡有驕。朱幘

鑣鑣。翟芾以朝。大夫夙退。無使君勞。河水洋洋。北流活活。施

冰滅滅。鱣鮪發發。葭莢揭揭。庶姜孽孽。庶士有暵。

碩人四章。莊姜于歸之時。其侍御之人所美之詩也。首章言其族類之貴。猶言大邦有子也。次章言其容貌之美。自手膚頰齒首眉口眼。曲曲寫到。非其親隨之婢妾。曷能言及。三章言其車服之盛。妃耦之樂。末章言衛地之唐饒。安腰之盛美。亦莫如韓樂。孔樂韓土。抑其如雲。爛其盈門之意。均無歎其今時不然。語氣蓋即有不答之事。亦在後日。非初來即不答也。聖人存之以見莊姜初來。何減鵲巢。鵲巢在南國。處其盛碩。人在衛國。遭其變。亦有幸有不幸焉。而憫惜莊姜後日之情。自見于言外。至以河水北流為言。齊地之廣饒者。亦非。

氓之蚩蚩。抱布貿絲。匪來貿絲。來即我謀。古音送子涉淇。至于

頓丘。古音去其反匪我愆期。子無良媒。將子無怒。秋以為期。乘彼

坳垣。以望復關。不見復關。泣涕漣漣。既見復關。載笑載言。爾卜

爾筮體無咎言。以爾車來。以我賄遷。桑之未落。其葉沃若。子
嗟鳩兮。無食桑葚。于嗟女兮。無與士耽。士之耽兮。猶可說也。女
之耽兮。不可說也。桑之落矣。其黃而隕。自我徂爾。三歲食貧。
淇水湯湯。漸車帷裳。女也不爽。士貳其行。古音房士也罔極。二三
其德。三歲爲婦。以反靡室勞矣。夙興夜寐。靡有朝矣。言既
遂矣。至于暴矣。兄弟不知。咥其笑矣。靜言思之。躬自悼矣。及
爾偕老。老使我怨。淇則有岸。隰則有泮。總角之宴。言笑晏晏。信
誓旦旦。不思其反。反是不思。亦已焉哉。

張六章再醮之婦。其合不正。其終見棄。而自怨悔之詩也。雖
眠託爲質絲。以來說合。攜其家之所有而遷之。至于所有既
盡。食貧任勞。夫乃見暴。回念當日。伯叔兄弟。皆不悅。而今徒
貽之笑。聲深可悼。悲益由上之人。輕棄其夫人。故其下化之。
然碩人之來。其正如彼。而不見禮于其君。無可悔也。寡婦之
去。其不正如此。而終見逐于夫。悔亦何及哉。兩章本不相倫。

而叙次相連想亦全非無意也

籊籊竹竿以釣于淇。豈不爾思。遠莫致之。泉源在左。淇水在右。右音以女子有行。遠父母兄弟。淇水在右。泉源在左。巧笑之瑳。佩玉之儺。淇水悠悠。檜楫松舟。駕言出遊。以寫我憂。

竹竿四章亦泉水之意也

芄蘭之支。童子佩觿。雖則佩觿。能不我知。容兮遂兮。垂帶悸兮。芄蘭之葉。童子佩褱。雖則佩褱。能不我甲。容兮遂兮。垂帶悸兮。

芄蘭二章刺童子之欲速成也

誰謂河廣。一葦杭之。誰謂宋遠。跂予望之。誰謂河廣。曾不容刀。誰謂宋遠。曾不崇朝。

河廣二章。鄭箋謂宋桓夫人被出在衛。思其子襄公而義不得往之作。朱傳從之。朱公遷乃從孔疏。謂襄公之時衛在南。爲假設有渡者之詞。不惟戲侮經文。亦且忘其時地。考衛自魯閔二年戴公避狄。渡河而南。其年卽卒。文公繼立。齊桓于僖公二年城楚丘而徙居之。僖之末年始遷帝丘。其地皆在河北。楚邱據欽定春秋傳說彙纂。載朱子詩傳。謂楚丘在滑州。今直隸大名府滑縣東六十里。隋衛南廢縣。卽右楚邱城也。欽定書經傳說彙纂。載地理今釋。謂大伾山亦名黎山。在今直隸大名府滑縣東南。濬與滑緊接壤。蔡傳謂黎陽山在大河垂欲趨北之地。漢志黎陽縣。晉灼曰。黎山在其南。河水經其東。其山上碑云。縣取山之名。取水在其陽。以爲名。賈讓策言黎陽一段。亦甚明析。汪武曹份黃河考云。大河自禹迹而後。凡五大變。禹貢所言大河。自大伾北行。在今彰德府大名府之間。及周定王五年。河徙碭磧。彌缺。爲河之初徙。歷秦至西漢所行。在今大名府東昌府之間。云云。合衆說而叅考之。衛之在河北。歷歷有証。宋襄卽位于僖之九年。嚴粲何據。謂是詩作于宋桓。猶在衛。文未立未遷之前。且經文明言一葦杭之。何得謂假有渡者之詞。傳說之迂曲不足信。類如此。韓文公所爲獨抱遺經。究終始也。

伯兮。揭兮。邦之桀兮。伯也執殳。爲王前驅。自伯之東。首如飛。

蓬。豈無膏沐。誰適為容。其雨其雨。杲杲出日。願言思伯。甘心

首疾。焉得諼草。言樹之背。願言思伯。使我心痠。

伯兮四章。疑為魯桓公五年。衛之大夫與蔡人陳人從王伐鄭。執爰前驅。久而不歸。其妻念之之作也。周既東遷。衛自西北從王。屬右軍。號公林父。正東行矣。此時衛人猶知從王。婦人猶以為王前驅。誇其夫之武。是猶奉一王也。自此役王敗于鄭。又二十年。王人子弋救衛無功。而王者之政教號令。益不行于天下。

有狐綏綏。在彼淇梁。心之憂矣。之子無裳。有狐綏綏。在彼淇

厲。心之憂矣。之子無帶。有狐綏綏。在彼淇側。心之憂矣。之子

無服。古音蒲北反

有狐三章。綏綏。字典引集韻。雙佳切。音機。毵毵。毛長貌。一曰狐。貌。或作綏。此衛大夫見壯者之流離貧困而心憂也。國亂民散。動多險阻。飢寒交迫。狐疑不前。淇水之傍。所見皆是此等無家無衣之人。故以有狐綏綏比之子之不得其所。為民父母。安得不心憂乎。故子伯也。見衛臣之猶知有王。于有狐見衛臣之猶念其民。

投我以木瓜。右音孤。報之以瓊琚。匪報也。永以為好也。投我以木桃。報之以瓊瑤。匪報也。永以為好也。投我以木李。報之以瓊玖。右音几。匪報也。永以為好也。

木瓜三章。勸人報施從厚之詩。孔子曰。吾于木瓜。見苞苴之禮行。當時衛多君子。如蘧瑗史狗史鰌等。皆與吳公子札相善。意必有投報相好者。故詩人持論之厚如此。抑。鄭衛皆東遷後之詩。故曰王者之迹熄而詩亡。詩兼風雅頌言之。二南如彼。而抑。鄭諸詩。三綱淪。尤法數周召之風亡矣。其詩之事。多春秋所紀。故曰詩亡。然後春秋作。抑又觀衛風首頌武公。次與三章歌頌人。自竹竿以下。見女子之守義焉。見大夫之憂時焉。見禮教之猶行。報施之從厚焉。惟氓一篇。為棄婦所作。然亦不如抑。鄭兩篇之淫亂凶殘。全無夫婦父子君臣之倫也。且衛之民。猶不忍言其上一人之惡。季札所謂康叔武公之德如是。是其衛風乎。

衛風十篇三十四章二百三句

王

二南爲東西都之風。至平王東遷。畿內之風爲王風。而二南之風亡。雅頌亦亡。故曰王者之迹熄而詩亡。非止雅亡亦非。黍離本雅。降爲風。而雅亡也。試以風詩及雅詩全文玩之。自見。

彼黍離離。

古音羅。

彼稷之苗。行邁靡靡。

古音摩。

中心搖搖。知我者。謂

我心憂。不知我者。謂我何求。悠悠蒼天。此何人哉。

彼黍離離。

彼稷之穗。行邁靡靡。中心如醉。知我者。謂我心憂。不知我者。謂

我何求。悠悠蒼天。此何人哉。彼黍離離。彼稷之實。行邁靡靡。

中心如噎。知我者。謂我心憂。不知我者。謂我何求。悠悠蒼天。此

何人哉。

黍離三章。閔宗周也。夫宗周者。文武之所經營。成康之所世守。宮廟陵寢在焉。厥田上上。山川險塞。所謂天下之輿區也。平王遭犬戎之難。使能守其故都。用賢圖治。則中興可與宣王爭烈。乃懼其侵暴。卽安于東。舉西京而畀之秦。以周之物產。周之人。民皆爲秦有。故曰彼黍離離者。外之之詞也。呼天而問何人。怨倡爲此謀者。悞國之罪之大也。

君子于役。不知其期。曷至哉。雞棲于塒。日之夕矣。羊牛下來。君子于役。如之何勿思。君子于役。不日不月。曷其有佸。雞棲于桀。日之夕矣。羊牛下括。君子于役。苟無飢渴。

君子于役二章。大夫久役于外。其室家思念之作也。黍離之行役。初見稷之苗。繼見稷之穗。終見稷之實。卽不知其期。不日不月也。此詩似與汝墳殷雷相同。而止念君子之飢渴。其視勸之以義者。不逮矣。此所以爲王風也。

君子陽陽。左執殳。右招我由房。其樂只且。君子陶陶。左執翿。右招我由敖。其樂只且。

君子陽陽二章。友人歌君子之相攜爲貧仕以全身遠害也。但曰陽陽陶陶其樂只且。亦可見其果于忘世之意。夫使賢者相率安于卑賤而無用世之心。王迹安得不熄。春秋安得不作乎。

揚之水。不流束薪。彼其之子。不與我戍申。懷哉懷哉。曷月子還歸哉。揚之水。不流束楚。彼其之子。不與我戍甫。懷哉懷哉。曷

月予還歸哉。揚之水。不流束蒲。彼其之子。不與我戍。許懷哉。懷哉。曷月予還歸哉。

揚之水三章。或者怨王室以畿內之民遠為諸侯戍守。又怨王令不行。他國之人。不與我更番也。歐陽氏曰。彼其之子。周民謂他國之當戍者。不遵王令。使周民久戍而不得代也。

中谷有蓷。暵其乾矣。有女仳離。嘔其嘆矣。嘔其嘆矣。遇人之艱難矣。中谷有蓷。暵其修矣。有女仳離。條其嘯古轉音蕭矣。條其嘯矣。遇人之不淑轉音殊聊反矣。中谷有蓷。暵其溼矣。有女仳離。嘔其泣矣。嘔其泣矣。何嗟及矣。

中谷有蓷三章。傳說備矣。乾者高地。修者平地。溼者窪地。無地不早。旱之甚也。

有兔爰爰。雉離于羅。我生之初。尚無為。古音我生之後。逢此百

罹。古音尚寐無吽。有兔爰爰。雉離于罌。我生之初。尚無造。我

生之後逢此百憂。尙寐無覺。有兔爰爰。雉離于置。我生之初。尙無庸。我生之後逢此百凶。尙寐無聰。

兔爰三章。周道衰微。政刑紊亂。人無所措手足。不樂其生而作也。爰爰舒緩自得之貌。始思無有爲此。用小人困君子之事。繼思造此者之無人罪。其後始禍之人也。終思無有用此人。此法者罪其後君之誣用也。數十年來如反掌。生亦何樂不如其不動不覺不聞以死之爲幸耳。

緜緜葛藟。在河之滸。終遠兄弟。謂他人父。謂他人父。亦莫我顧。

緜緜葛藟。在河之滸。終遠兄弟。謂他人母。以古音滿。謂他人母。

亦莫我有。古音以。緜緜葛藟。在河之滸。終遠兄弟。謂他人昆。謂

他人昆。亦莫我聞。

葛藟三章。刺兄弟之不睦也。于弟弗念天顯。乃弗克恭厥兄。兄亦不念鞠子哀。大不友于弟。書所謂元惡大憝者。商都往往有之。洛邑頑民。雖世變風移。而餘風未殄。至有終身不見其兄。不弟其弟。而謂他人爲兄弟。至謂他人之父母爲父母。

如末世義兄義弟義父義母之類。然而所厚者薄。決不能所薄者厚。故曰亦莫我顧。亦莫我有。亦莫我聞。其醒之者切矣。

彼采葛兮。一日不見。如三月兮。彼采蕭兮。一日不見。如三秋兮。

彼采艾兮。一日不見。如三歲兮。

采葛三章。懼小人之引用邪黨。而君子日疎。雖暫如久也。彼者彼小人也。葛蔓而善附。蕭氣味苦寒。艾似香而非香。皆小人之象。故楚詞云。何昔日之芳草兮。今直為此艾蕭也。言小人秉權。方用其黨。類同進。投間伺隙。將為君子之害。君子即日得見乎。君猶慮其正不勝邪。况乎久不得進見。一暴十寒。如有萌何。安得不憂懼耶。

大車檻檻。毳衣如綈。豈不爾思。畏子不敢。大車嘽嘽。毳衣如

璫。豈不爾思。畏子不奔。穀則異室。死則同穴。謂予不信。有如

噉曰。

大車三章。大夫刑以防淫。

淫者畏之。至于終身也。

丘中有麻。

古音莫

彼留子嗟。

古音丁

將其來施施。

古音

式何反。

丘中有麥

古音莫北反

彼留子國。彼留子國。將其來食。丘

中有李。彼留之子。彼留之子。貽我佩玖。

丘中有麻三章。大夫思賢人之來而被留也。子嗟子國二人之室之子。兼指二人也。謂留爲其人之姓者。鑿也。謂子國子嗟爲所淫者。聖人作春秋。益求名而不得。豈有田野淫夫姓名。聖人存之于詩乎。必不然矣。此人好賢之誠。而賢人被留。故望其所止之麻。麥李樹以爲言。欲其施施而來食我之食。貽我美寶也。佩玖之贈。寶其言之相贈。如美玉也。前人淫者之貽。後人多不從之。蓋謂與大車相連。前之大夫猶能治民。後之大夫猶知親賢。斯其所以爲王風矣乎。

王風十篇二十八章百六十二句